

2015-imi isertitat qaffariaataat kusanartut

2015-imi innuttaasut 14-it sinnerlugit ukiullit agguaqatigiissillugu tamakkiisumik 229.000 kr.-inik isertitaqarsimapput. Tamanna 2014-imut naleqqiullugu 11.000 kr.-inik 4,8 pct.-inik annertussuseqartumik qaffariarneruvoq.

Immikkoortortaqarfinni (kommunikuni) tamani isertitat qaffariaateqarput. Taamaattoq tabel 1-imi takuneqarsinnaasutut qaffariaatit immikkoortortaqarfimmit immikkoortortaqarfimmut malunnartumik assigiinngillat. Qaortumi, Maniitsumi aammalu Nuummi innuttaasut koruuninik ørenillu agguaqatigiissillugu annertunerpaanik missiliorlugu 15.000 kr.-inik isertitaat qaffariarput. Allanulli naleqqiullugu qaffariaat Ittoqqortoormiini annertunerpaavoq, tassani isertitat agguaqatigiissillugu 8,3 pct.-inik qaffariarmata.


Qaffariaat minnerpaaq Upernavimmi, Kangaatsiami aammalu Qaanaami pivoq, tassani agguaqatigiissillugu isertitat qaffariaataat 1.000 kr.-it aammalu 2.000 kr.-it akornanniippoq. Tamanna immikkoortortaqarfinni pingasuni tamani qaffariaat 1 pct.-it missaanniippoq.

Tabel 1. 2013-imit 2015-imut agguaqatigiissillugu inuit isertitaat tamakkiisut, immikkoortortaqarfinnut agguallugit (1.000 kr.)

	2013	2014	2015	Allannguut 2014-2015
	1.000 kr.			Pct.
Nuna tamakkerlugu	217	218	229	4,8
Nanortalik	144	145	152	4,4
Qaqortoq	197	194	209	8,0
Narsaq	176	175	182	4,3
Paamiut	171	171	176	3,2
Nuuk	292	290	305	5,2
Maniitsoq	181	189	205	8,0
Sisimiut	223	228	238	4,3
Kangaatsiaq	137	140	141	1,0
Aasiaat	172	176	182	3,2
Qasigiannugit	182	181	187	2,9
Ilulissat	205	210	214	2,0
Qeqertarsuaq	189	186	196	5,1
Uummannaq	181	184	197	7,2
Upernavik	148	158	159	0,8
Qaanaaq	127	137	139	1,2
Tasiilaq	160	152	155	1,4
Ittoqqortoormiit	157	168	182	8,3

Piffissami pineqartumi aningaasat nalingi missiliorlugu 1,4 pct.-imi appassisumiillutik inissisimapput, akissarsiallu pisissutaasinnaasut qaffariarsimapput, taamaalillunilu innuttaasut akissaqarniarnerat malunnartumik pitsaanerulersimalluni. Titartagaq 1-imi takuneqarsinnaasut isertitat pisissutaasinnaasut 2007-imi pitsaanerusimangilaq.

Titartagaq 1. Isertitat pisissutaasinnaasut naleqqersuutaasa ineriartornerat 2002-2015



Naatsorsueqqissaartarfiup saqqummerseqqammisaani **2015-imi isertitat** –mi innuttaasut isertitaat annertunerusumik misissuataarneqarsinnaapput. Saqqummersitaq inuit isertitaannik, inoqutigiit akileraarutaannik aammalu inoqutigiit isertitai tunngavigalugit agguanneqarnerinik naatsorsuutinik imaqarpoq.

Naatsorsueqqissaartarfiup nittartagaani www.stat.gl–imi saqqummersitaq atuarneqarsinnaallunilu pdf-inngorlugu aaneqarsinnaavoq. Periarfissaavortaaq Naatsorsueqqissaartarfiup Kisitsisaataasiviani bank.stat.gl–imi isertitat kisitsisitigut paasissutissaanni tabelinik nammineq toqqartukkanik annertunerusunik aallertoqarsinnaanera.

Annertunerusumik paasisaqarnerorusuttunut Naatsorsueqqissaartarfiup ittua Anders Blaaberq oqarasuaat 34 57 81 imaluunniit kisitsisitigut paasissutissalerinermi siunnersorti Søren W. Børgesen e-mail swbo@stat.gl innersuussutigineqarput.